

Na osnovu Poglavlja IV Odjeljak A. člana 23. (b) Ustava Bosansko-podrinjskog kantona Goražde, („Službene novine Bosansko-podrinjskog kantona Goražde“, broj:8/98, 10/00, 5/03), člana 75. Zakona o sportu u Bosni i Hercegovini („Službeni glasnik Bosne i Hercegovine“ broj:27/08, 102/09) i člana 106. Poslovnika Skupštine Bosansko-podrinjskog kantona Goražde („Službene novine Bosansko-podrinjskog kantona Goražde“, broj:10/08), Skupština Bosansko-podrinjskog kantona Goražde, na 29. redovnoj sjednici, održanoj 16.01.2014. godine, *donosi*:

**ZAKON  
O DOPUNAMA ZAKONA O SPORTU  
BOSANSKO-PODRINJSKOG KANTONA GORAŽDE**

**Član 1.**

U Zakonu o sportu Bosansko – podrinjskog kantona Goražde („Službene novine Bosansko – podrinjskog kantona Goražde“, broj: 8/11) u članu 31. iza stava (2) dodaju se stavovi (3), (4) i (5) koji glase:

- „(3) Ako zbog nerazvijenosti sporta na području Kantona ne postoji organizovan Sportski savez za sport i rekreaciju lica sa invaliditetom Kantona u skladu sa stavom (1) ovog člana, registracija saveza na nivou Kantona izvršit će se uz saglasnost Ministarstva, nakon osnivanja sportskih klubova lica sa invaliditetom koji nemaju status pravnog lica i djeluju u sklopu Sportskog saveza za sport i rekreaciju lica sa invaliditetom Kantona, do ispunjenja uslova iz stava (1) ovog člana.
- (4) Odluku o osnivanju sportskih klubova lica sa invaliditetom koji nemaju status pravnog lica donosi Skupština Sportskog saveza za sport i rekreaciju lica sa invaliditetom Kantona.
- (5) Sportski klubovi lica sa invaliditetom koji nemaju status pravnog lica svoje aktivnosti provode u skladu sa ovim Zakonom, zakonima i propisima kojima se uređuje sport i posebnim odlukama Ministarstva“.

**Član 2.**

Ovaj zakon stupa na snagu osmog dana od dana objavljivanja u "Službenim novinama Bosansko – podrinjskog kantona Goražde"

Broj: 01-02-40/14  
16.01.2014. godine  
Goražde

**PREDSJEDAVAJUĆI SKUPŠTINE**  
*Suad Došlo*